


BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
UNA-SANA CANTON GOVERNMENT

Broj: 03-017-214/2016
Dana, 22.09.2016. godine

SKUPŠTINA UNSKO-SANSKOG KANTONA
- n/r Predsjedavajućeg Skupštine Kantona

FORMA I NEKOPIRAN
FEDERACIJA BOSNE I HERCEGOVINE
19.09.2016.
03/12-103-4-19-129/16

PREDMET: Zaključak i Mišljenje o Inicijativi za izmjenu Zakona o plaćama
i naknadama u organima vlasti Unsko-sanskog kantona,
d o s t a v l j a s e;-

Na osnovu člana 107. i 108. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 5/04), u prilogu Vam dostavljamo Zaključak i Mišljenje o Inicijativi za izmjenu Zakona o plaćama i naknadama u organima vlasti Unsko-sanskog kantona, uz sljedeće:


Obrazloženje

Vlada Unsko-sanskog kantona je na sjednici održanoj dana 22.09.2016. godine, razmatrala i prihvatila Mišljenje Ministarstva finansija o Inicijativi za izmjenu Zakona o plaćama i naknadama u organima vlasti Unsko-sanskog kantona, koja je podnesena od Političke organizacije građana „Naša stranka“ Bihać, te Vam Zaključak Vlade Unsko-sanskog kantona sa predmetnim Mišljenjem, dostavljamo u dalju proceduru.

PRILOG: - Zaključak i Mišljenje.....



BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
UNA-SANA CANTON GOVERNMENT

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“ broj: 5/08), na prijedlog Ministarstva finansija, Vlada Unsko-sanskog kantona na sjednici održanoj dana 22.09.2016. godine, donosi:

ZAKLJUČAK

I

Prihvata se mišljenje Ministarstva finansija o Inicijativi za izmjenu Zakona o plaćama i naknadama u organima vlasti Unsko-sanskog kantona, podnesenu od Političke organizacije građana „Naša stranka“ Bihać.

II

Mišljenje iz tačke I ovog Zaključka čini sastavni dio ovog Zaključka i isto se upućuje Skupštini Unsko-sanskog kantona na dalje postupanje.

III

Ovaj Zaključak stupa na snagu danom donošenja.

Broj: 03-017-214/2016
Bihać, 22.09.2016. godine





Mišljenje

o Inicijativi za izmjenu Zakona o plaćama i naknadama u organima vlasti Unsko-sanskog kantona

Članom 108. Poslovnika o radu Skupštine Kantona određeno je da Skupština, po prethodno pribavljenom mišljenju Zakonodavno-pravne komisije i Vlade, donosi Zaključak kojim se inicijativa prihvata ili se odbija i određuje način pripreme i nosioce izrade nacrtu zakona.

Ministarstvu finansija je od strane Ureda Vlade Unsko-sanskog kantona, dostavljena Inicijativa za izmjenu Zakona o plaćama i naknadama u organima vlasti Unsko-sanskog kantona („Službeni glasnik Unsko-sanskog kantona“ broj: 11/15), podnesena od Političke organizacije građana „Naša stranka“ Bihać.

U svojoj Inicijativi Politička organizacija građana „Naša stranka“ Bihać kao razlog potisivanja peticije i podnošenje Inicijative za izmjenu Zakona navodi : „zastupnici Skupštine Unsko-sanskog kantona su, suprotno Federalnom zakonu o plaćama, sami sebi propisivali privilegije i povlastice kojima se povećavaju ukupna primanja nosilaca funkcija u izvršnoj i zakonodavnoj vlasti kantona.“

Naprijed citiranim Zakonom u poglavlju II Plaće i nakande izabranih dužnosnika, nosioca izvršnih funkcija i savjetnika u organima zakonodavne i izvršne vlasti utvrđena je plaća, platni razredi i koeficijenti i druga prava i naknade izabranim dužnosnicima i nosiocima izvršnih funkcija.

Nadzor nad izvršenjem odredaba ovog Zakona vrši Ministarstvo finansija i Ministarstvo pravosuđa i uprave, svatko u okviru svojih nadležnosti.

U Zakonu o plaćama i naknadama u organima vlasti Federacije Bosne i Hercegovine („Službene novine Federacije BiH“, broj 45/10,11/12) članom 59. određeno je da: „Vlade kantona, odnosno općinski načelnici i gradonačelnici u dogovoru sa sindikatom će utvrditi osnovicu za obračun plaća u skladu sa članom 5. ovog Zakona. Ne može se utvrditi veća osnovica od osnovice utvrđene na federalnom nivou.“

Članom 60 određeno je : „Koeficijenti i platni razredi zaposlenih u organima vlasti kantona, općine i grada se utvrđuju zakonima o plaćama i naknadama zaposlenih u organima vlasti kantona, odnosno odlukama gradskih i općinskih vijeća o plaćama i naknadama zaposlenih u općinskim odnosno gradskim organima vlasti. Zakonima o plaćama i naknadama zaposlenih u organima vlasti kantona, odnosno odlukama gradskih i općinskih vijeća o plaćama i naknadama u općinskim odnosno gradskim organima vlasti, propisane se koeficijenti za izabrane dužnosnike, nosioce izvršnih funkcija i savjetnike u kantonalnim, gradskim i općinskim organima vlasti, s tim da se ne mogu utvrditi veći koeficijenti od koeficijenata utvrđenih u članu 9. ovog Zakona. Prilikom utvrđivanja koeficijenata kantoni, općine i gradovi će propisati iste koeficijente za ista radna mjesta u okviru istih platnih razreda za državne službenike i namještenike u skladu sa odredbama čl. 20. i 21. ovog Zakona.“

Zakon o plaćama i naknadama u organima vlasti Federacije Bosne i Hercegovine, odnosno njegove odredbe su samo u dijelu osnovice i koeficijenata imperativne i Kantoni moraju da iste primjene onako kako glase, a što je u slučaju Zakona o plaćama i naknadama u organima vlasti Unsko-sanskog kantona.

Ministarstvo finansija smatra da Zakon o plaćama i naknadama u organima vlasti Unsko-sanskog kantona nije u suprotnosti sa Zakonom o plaćama i naknadama u organima vlasti Federacije Bosne i Hercegovine.

Skupština Kantona može prihvatiti Incijativu i odrediti da se pripremi izmena Zakona, što će svakako ovaj organ poštovati.

MINISTAR

Salih Dedić, dipl.ecc

